



Governu Konstitusionál VIII

REZOLUSAUN GOVERNU N. 2/2021

Loron 15 tinan-janeiru

Revoga Rezolusaun Governu n. 52/2020, loron 30 fulan-dezemburu nian kona-ba renovasaun husi impozisaun serka sanitária ida iha Rejiaun Administrativa Espesiál Oekusi Ambenu

Ho konsiderasaun katak, liuhusi Rezolusaun Governu n. 52/2020, loron 30 fulan-dezemburu, Governu renova ona impozisaun serka sanitária ida iha Rejiaun Administrativa Espesiál Oekusi Ambenu;

Ho konsiderasaun katak, bazeia ba n. 3 husi Rezolusaun Governu n. 52/2020, loron 30 fulan-dezemburu, serka sanitária ne'ebé impoin iha Rejiaun Administrativa Espesiál Oekusi Ambenu ne'e sei remata iha loron 18 fulan-janeiru tinan 2021, tuku 23:59;

Ho konsiderasaun katak fundamentu sira ne'ebé sai baze ba impozisaun husi serka sanitária iha Rejiaun Administrativa Espesiál Oekusi Ambenu la iha ona, tanba ne'e, importante atu halakon kedas limitasaun sira ne'ebé mak impoin ba populasaun ne'ebé hela ka serbisu iha rejiaun ne'e, liuliu kona-ba sira-nia direitu fundamentál atu sirkula livre iha territóriu nasional.

Governu rezolve, tuir alínea o) n. 1 husi artigu da-115 Konstituisaun Repúblika nian no alínea b) husi artigu da-4 husi Dekretu Prezidente Repúblika 73/2020, loron 30 fulan-dezemburu, tuirmai ne'e:

1. Revoga Rezolusaun Governu n. 52/2020, loron 30 fulan-dezemburu, ne'ebé renova ona impozisaun serka sanitária ida iha Rejiaun Administrativa Espesiál Oekusi Ambenu;
2. Determina katak rezolusaun ida-ne'e prodús efektu sira hahú husi tuku 00:00 iha loron 16 fulan-janeiru tinan 2021.

Aprova ona iha Konsellu Ministrus iha loron 15 fulan-janeiru tinan 2021.

Publika kedas.

Primeiru-Ministru,

Taur Matan Ruak